

**BOSNA I HERCEGOVINA**  
*Konkurencijsko vijeće*



**БОСНА И ХЕРЦЕГОВИНА**  
*Конкуренцијси савјет*

**MIŠLJENJE**

**Po Zahtjevu za davanje mišljenja o obavezi podnošenja prijave koncentracije privrednog subjekta Fresenius Medical Care BH d.o.o. Sarajevo**

**Sarajevo,  
juli 2013. godine**



Broj: 01-26-7-11-1- I/13  
Sarajevo, 8. juli 2013. godine

Na osnovu člana 25. stav (1) tačka f) Zakona o konkurenciji („Službeni glasnik BiH“ br. 48/05, 76/07 i 80/09), a na Zahtjev za davanje mišljenja privrednog subjekta Fresenius Medical Care BH d.o.o. Sarajevo, društvo za promet i usluge, Zmaja od Bosne 7-7a, 71000 Sarajevo, Konkurencijsko vijeće na 63. (šezdesetrećoj) sjednici održanoj 8. jula 2013. godine, daje

### **M I Š L J E N J E**

Konkurencijsko vijeće je zaprimilo, pod brojem: 01-26-7-11-I/13 dana 6. juna 2013. godine, Zahtjev za davanje mišljenja o obavezi podnošenja prijave koncentracije (u daljem tekstu: Zahtjev) privrednog subjekta Fresenius Medical Care BH d.o.o. Sarajevo, društvo za promet i usluge, Zmaja od Bosne 7-7a, 71000 Sarajevo (u daljem tekstu: Podnosilac zahtjeva ili FMC).

U Zahtjevu u bitnom je izneseno:

- da se privredni subjekt FMC i njegova povezana društva primarno bave (na svjetskom tržištu) ulaganjem u farmaceutsku industriju, proizvodnjom medicinske opreme i potrošnih materijala, trgovinom medicinskih i farmaceutskih proizvoda, pružanjem usluga dijalize i slično;
- da se privredni subjekt FMC i njegova povezana društva primarno bave trgovinom medicinskih i farmaceutskih proizvoda, pružanjem usluga dijalize na teritoriji Republike Srpske i Brčko distrikta Bosne i Hercegovine;
- da je Konkurencijsko vijeće donijelo Rješenje broj: 06-26-1- 003-19-II/11 od dana 23. marta 2011. godine, kojim je ocjenjena dopuštenom koncentracija, sticanjem kontrole nad privrednim subjektom International Dialysis Centers Euromedic International Group B.V., Fred. Roeskestraat 123, 1076EE Amsterdam, Kraljevina Niozemska;
- da je predmetnim Rješenjem utvrđeno relevantno tržište pružanje usluga dijalize na teritoriji Bosne i Hercegovine, te da tržišni udio učesnika koncentracije nakon provođenja iste iznosi 30,0- 40,0%;
- da su u 2012. godini privredni subjekt FMC i njegova povezana društva na svjetskom tržištu ostvarili preko 100 miliona KM, a na tržištu Bosne i Hercegovine i preko 8 miliona KM;
- da je u postupku proces reorganizacije zdravstvenog sistema u Federaciji Bosne i Hercegovine, a unutar kojega je predviđena privatizacija u oblasti pružanja usluga dijalize (odnosno privatizacija dijaliznih odjela zdravstvenih ustanova u Federaciji Bosne i Hercegovine);
- da je privredni subjekt FMC zainteresovan za učestvovanje u navedenim procesima privatizacije dijaliznih odjela zdravstvenih ustanova u Federaciji Bosne i Hercegovine;
- da li se dijalizni odjeli zdravstvenih ustanova smatraju privrednim subjektima koji podliježu prijavi koncentracije u slučaju kupovine istih;
- da li se i na koji način mjeri promet tržišnih udjela dijaliznih odjela zdravstvenih ustanova;

- da li proces privatizacije odjela zdravstvenih ustanova predstavlja „sticanje kontrole nad privrednim subjektima regulisano drugim propisima“, u smislu člana 8. stav (10) Zakona o konkurenciji.

Na osnovu iznesenih podataka Podnosioca zahtjeva, Konkurencijsko vijeće ističe:

Član 9. (Dominantni položaj) Zakona o konkurenciji, glasi:

» (1) Privredni subjekt ima dominantan položaj na relevantnom tržištu roba ili usluga, kada se zbog svoje tržišne snage može ponašati u značajnoj mjeri neovisno o stvarnim ili mogućim konkurentima, kupcima, potrošačima ili dobavljačima, također, uzimajući u obzir udio tog privrednog subjekta na relevantnom tržištu, udjele koje na tom tržištu imaju njegovi konkurenti, kao i pravne i druge zapreke za ulazak drugih privrednih subjekta na tržište.

(2) Pretpostavlja se da privredni subjekt može imati dominantan položaj na tržištu roba ili usluga ako na relevantnom tržištu Bosne i Hercegovine ima udio veći od 40%.

(3) Pretpostavlja se da više privrednih subjekta mogu imati dominantan položaj na tržištu roba ili usluga ako na relevantnom tržištu Bosne i Hercegovine dva ili više privredna subjekta imaju zajednički tržišni udio veći od 60%.

(4) Konkurencijsko vijeće podzakonskim će aktom bliže definisati kategoriju dominantnog položaja. »

Član 12. Zakona o konkurenciji (koncentracija) glasi:

» (1) Koncentracijom, u smislu ovoga Zakona, smatra se:

- a) spajanje ili pripajanje nezavisnih privrednih subjekta ili dijelova privrednih subjekta;
- b) sticanje kontrole ili prevladavajućeg uticaja jednog, odnosno više privrednih subjekta nad drugim, odnosno nad više drugih privrednih subjekta ili dijelom drugog privrednog subjekta, odnosno dijelovima drugih privrednih subjekta i to:
  - 1) sticanjem kupovinom većine dionica ili udjela osnovnog kapitala; ili
  - 2) sticanjem većine prava glasa; ili
  - 3) na drugi način u skladu sa odredbama zakona koji regulišu osnivanje privrednih subjekta i njihovo upravljanje.
- c) zajedničko ulaganje na dugoročnoj osnovi, dva ili više nezavisnih privrednih subjekta, koje djeluje kao nezavisan privredni subjekt.

(2) Sticanje kontrole u smislu stava (1) ovoga člana ostvaruje se putem prava, zaključivanjem sporazuma ili drugim sredstvima kojima jedan ili više privrednih subjekta, bilo posebno, bilo zajednički, uzimajući u obzir sve pravne i činjenične okolnosti, stiče mogućnost ostvarivanja preovladavajućeg uticaja nad jednim ili više privrednih subjekta. »

Član 14. stav (1) (Ukupni prihod za kontrolu koncentracije) Zakona o konkurenciji glasi:

» (1) Namjeravanu koncentraciju privrednih subjekta iz člana 12 stav (1) ovog Zakona, učesnici koncentracije su obavezni prijaviti, i to kada su ispunjeni slijedeći uslovi:

- a) da ukupni godišnji prihod svih učesnika koncentracije ostvaren prodajom roba i/ili usluga na svjetskom tržištu iznosi 100 miliona KM po završnom računu u godini koja je prethodila koncentraciji; i

- b) da ukupni godišnji prihod svakog od najmanje dva privredna subjekta učesnika koncentracije ostvaren prodajom roba i/ili usluga na tržištu Bosne i Hercegovine iznosi najmanje 8 miliona KM po završnom računu u godini koja je prethodila koncentraciji, ili ako je njihov zajednički tržišni udio veći od 40%.
- (2) U ukupni godišnji prihod iz stava (1) ovoga člana neće se računati prihod koji ti privredni subjekti ostvare u međusobnoj razmjeni.
- (3) U slučaju kada se koncentracija iz člana 12. stava (1) ovoga Zakona odnosi na spajanje ili pripajanje dijela ili dijelova jednog ili više privrednih subjekta, bez obzira imaju li ti dijelovi status pravnog lica, pri obračunu prihoda iz stava (1) ovoga člana, obračunavat će se samo prihod onih dijelova privrednog subjekta koji su predmetom nadzora koncentracije.»

Član 18. (Rješenje o koncentraciji) Zakona o konkurenciji, glasi:

- » (1) Ako Konkurencijsko vijeće utvrdi kako bi provedba koncentracije iz čl. 12. i 14. ovoga Zakona za posledicu mogla imati negativne efekte koji mogu značajno narušavati konkurenciju na relativnom tržištu, donijet će zaključak o pokretanju postupka.
- (2) Konkurencijsko vijeće nakon završetka postupka, u rokovima iz člana 41. ovoga Zakona, donijet će rješenje kojim se:
- koncentracija ocjenjuje dopuštenom;
  - koncentracija ocjenjuje nedopuštenom;
  - koncentracija ocjenjuje uslovno dopuštenom.
- (9) Koncentracija se neće moći provesti prije donošenja rješenja kojim se potvrđuje usklađenost predmetne koncentracije iz čl. 12. i 14. ovoga Zakona.
- (10) Odredba stava (9) ovoga člana ne sprječava provedbu javne ponude dionica koja je prijavljena relevantnim organima u skladu s važećom legislativom, kao i aktivnosti sticanja nadzora nad privrednim subjektima regulisane drugim propisima.«

Iz navedenih odredbi Zakona o konkurenciji proizilazi da je Podnosilac zahtjeva dužan prijaviti namjeravanu koncentraciju ukoliko učesnici koncentracije ispunjavaju uslove iz člana 14. stav (1) tačke a) i b) Zakona o konkurenciji, uz uslov da ista ispunjava uslove iz člana 12. Zakona o konkurenciji. Član 18. stav (10) Zakona o konkurenciji omogućava provođenje postupka javne ponude dionica, ali pri konačnoj ocjeni koncentracije primjenjuju se isključivo gore navedene odredbe Zakona o konkurenciji.

**Predsjednica**

**Gordana Živković**